



梁溪先生文集卷之第四十九

奏議

乞罷宣撫使劄子 第二劄子

乞罷宣撫使表 第三劄子

第四劄子 第五劄子

第六劄子 第七劄子

再乞罷宣撫使表 第八劄子 第九劄子

辭免除觀文殿學士知揚州劄子

乞覈實宣撫使現在軍兵人數財物劄子

乞罷宣撫使劄子

靖康元年七月之二十有三日解潛折彥質出兵南北關與賊兵相遇力戰而退因

臣近具奏狀劄子以解潛折彥質南北關進兵將士

退却乞賜黜責未奉指揮伏念臣昨蒙聖恩差充河

北河東路宣撫使自以智術淺短不足以仰副委任

之重累且辭免不蒙俞允迫于天威詎勉就職自受

命以未思自罄竭以圖報効而軍旅之事素非所受

節制不明方畧無取以致解潛折彥質等與賊相遇

于南北關力戰累自勢力不加尋即退卻曾無尺寸

之效責在大帥咎將誰歸夙夜憂懼心氣怔忡動輒

遺忘豈可復總軍政伏望陛下聖慈矜憐檢會臣待

罪章疏特降睿旨罷臣知樞密院事及河北河東兩

路宣撫使遴選重臣代臣職任并就近令范雄世管

勾許臣交割迤邐前去聽候指揮

第二劄子

臣伏蒙聖慈以臣乞罷職任特降親筆令公心職事

及蒙宣諭和議解圍兩不相妨若虜人必欲三鎮不

免戰爭今則解圍之事不可少緩臣伏讀聖訓第深

感懼竊以今春賊馬犯關倉卒無備自當議和但一切如其所欲許以三鎮及金帛之數太多則為非計臣所以當時與宰執力爭者正恐貽今日之患非為不欲和而主戰也賊馬既退河北兩鎮幸自保全而太原之圍至今未解陛下既出師以解圍又遣使以約和議雖兩不相妨然虜情狡獪自春徂秋頓兵堅城之下而不退又以重兵侵犯河朔我師屢北而議和之使始行臣恐中國之勢益弱而黠虜之氣益驕矣且自秋以來沿邊探報金人日聚兵為南牧深入

之計朝廷日罷兵如太平無事之時今中山河間真定諸郡乞兵告急羽書狎至宣撫司無兵可遣申奏朝廷又只行下宣撫司措置是徒以空文往復初無于實用虜騎猖獗復有今春之虞將何以禦之臣累具劄子乞再行啟發後來罷止防秋人兵團結弓手之類未蒙施行伏望留神為宗社計募兵擇將以圖自強無謂和議之使便可恃以為安也如臣書生不習兵法不歷行陣大帥之任誠非所宜况今春危城之中陛下之所驅策者悉已去位而臣獨以非才尚

卷之四十九
三
叨重寄恐不知者謂臣黷武貪功為國生事招致人
言陛下雖欲保全不可得也臣愚仰冀聖慈終始哀
憐特降睿旨許臣守本官致仕縻捐之報期于異日
干冒天威不勝戰越待罪之至

乞罷宣撫使表

臣綱言伏蒙聖慈以臣累具劄子乞罷知樞密院事
河北河東路宣撫使守本官致仕或外任宮觀一次
特降詔書不允者王事方棘願徇國而捐軀將畧勿
優敢籲天而請罪與其冒寵榮而誤國曷若乞骸骨

而避嫌優詔勿俞燦細書之一札狐蹤增厲惕危腸
之九回再瀝愚衷仰干睿聽謝中伏念臣斗筭小器章

句陋儒粗聞忠義之風不知軍旅之事分棲遲于巖
壑敢希異于功名屬國步之多艱躡貴游而並進荐
膺聖獎超執事機俾待罪于西樞復宣威于北部自
惟譴薄必至顛隳既懇避之其從卒懷憂而就遣經
營庶務詎百為鬢髮為之蒼浪氣血從而凋喪法嚴
令具雖明馭衆之方將墮卒驕尚襲近年之弊并門
之圍未解保塞之寇鼎來致此猖狂職臣庸懦雖屢

卷之四十九
四
祈于罷黜終未賜于允俞伏望皇帝陛下覆以堯仁
察之舜智念臣才謀淺短不足有為憐臣疾病連延
誠非避事冀垂寬宥特賜保全盡解兵權俾歸田畝
江湖在望庶自畢于餘生溝壑未填或收功于晚節

第三劄子

臣所乞罷職任非緣避事及為身謀實以未諳軍事
不可為帥自知甚明恐誤國事及今改命尚可設計
以解太原之圍以禦河北之寇仰副聖意更少稽緩
決致疎虞雖賜斧鉞之誅亦復何補伏望睿慈矜察

第四劄子

臣累具劄子乞罷知樞密院事河北河東路宣撫使
守本官致仕伏奉宸翰令安心職事未賜俞允伏念
臣猥以庸庸誤膺委寄力小任重福過災生疾病交
攻心慮潰亂寢食俱廢生氣索然倘或貪冒寵榮尚
總軍政必誤國事自取顛隳伏望陛下聖慈察臣忱
誠非有沾激特降睿旨許依累奏所乞使獲退歸山
林則終始保全雖天地父母之恩亦何以加此餘齡
未泯誓極糜捐干冒天威臣無任惶懼激切之至

第五劄子

臣累具劄子仰干天聽以不才而當重寄恐誤國事乞賜罷斥許令守本官致仕別選能臣跼踏俟命未蒙俞允第深惶懼臣聞量才授職不強以所不能者君待臣之道也陳力就列而不能則止者臣事君之節也如臣書生不習金草之事受命之日固嘗力辭迫于天威匍勉就職夙夜自竭效鉉刀一割之用而進無尺寸之功乃知所習不可勉強倘或貪冒恩榮而忘不能則止之義豈有非誤國事且將得罪于古

聖人此臣所以不避斧鉞之誅再三冒瀆期于得請仰冀聖聰有以照察之也臣又聞壯火之氣衰少火之氣旺臣自今春以來更歷憂患志氣凋落正如傷弓之鳥望曲木而先驚責其勇敢復如曩時雖自激昂豈可復得方陛下欲張皇六師盪攘群醜之秋必得心果氣銳謀猷方壯之人奉命徂征乃克有濟伏望聖慈察臣惓惓之誠非愛死非謀生正恐更或敗事上累陛下知人之明誤國大計雖伏鈇鑕亦復何補特賜矜憐許以骸骨歸于田里則天下之人皆知

陛下以臣嘗效犬馬之力曲加保全誰不知勸非獨
臣區區之私幸也干冒天威臣無任戰越待罪之至

第六劄子

臣累具劄表干冒天聽乞罷職任守本官致仕或外
任宮觀一次伏蒙聖慈特降親筆俟臣候種師道到
交割職事赴闕議事仰荷天恩終始保全但深感泣
近准尚書省劄子折彥質除宣撫判官及備奉聖旨
令臣不得輕易進兵伏念臣智謀無取疾病交攻比
日以來夙夜震恐心氣不寧動輒憤亂豈敢復為進

兵之計但邊事須人措置而臣束手坐視無可為者
深恐誤國乞降旨促師道起發或且令折彥質前來
交割臣得扶疾迤邐前去聽候指揮不勝幸望之至

第七劄子

臣累具奏劄仰干天聽乞罷知樞密院事河北河東
宣撫使守本官致仕或外任宮觀一次伏蒙聖慈再
降詔答未賜俞允重念臣學術荒疎智能謏薄誤被
使令過其分量雖自罄竭曾無尺寸之効夙夜愧懼
憂悸成疾不能支持伏望矜憐特降睿旨許依所乞

異時圖報當極縻捐干冒天威無任惶懼戰越之至
再乞罷宣撫使表

臣綱言伏蒙聖慈以臣累具劄子乞罷知樞密院事
河北河東宣撫使守本官致任或外任官觀一次再
降親詔書不允者危誠上達方虞鈇鉞之誅溫詔俯
頒未遂邱園之請敢再陳其懇悃庶仰異于矜從中謝
伏念臣一介書生不習兵事忘身殉國雖堅衛上之
心制勝運籌初乏折衝之畧誤蒙天獎俾長樞廷出
分閫外之權未廸師中之吉雖聖恩寬大必將報三

北而用益明然公議沸騰豈肯以一戰而恕房瑄與
其招人言而得罪曷若控君父而乞身往成于方宜
有赫赫之南仲在泮獻馘必資矯矯之虎臣自度非
才請避嫌路伏望皇帝陛下容之以天地之量燭之
以日月之明憐臣勞瘁而無補于事功察臣精誠而
有志于忠義進以道而退以禮不使翱翔保其始而
全其終無令隕越則臣誓堅素守仰戴鴻恩失東隅
而收桑榆捐軀未晚先朝露而填溝壑結草為期

第八劄子

臣伏蒙聖慈特降宸翰矜憐孤蹤過有存撫初言睿
斷所以用臣總戎之故中言諸將難以倚伏遂致不
敢輕易進兵之由終言臣昨圍城之中嘗効犬馬之
勞欲力賜保全之意聖恩隆厚雖父母之于子不過
如此感激涕零不能自止伏念臣學非適用才不逮
人徒抱愚忠常欲奮不顧身以徇國家之急誤蒙委
任俾之宣撫兩路而臣自知才力淺薄誠不足以仰
副重寄力具辭免天意莫回匄勉就職亦欲少效涓
埃之報而事與願違畧無所補以寬陛下北顧之憂

此臣所以夙夜震恐慙歎憤懣至于寢食俱廢疾病
交攻累瀝危誠以乞骸骨仰冀矜從雖被竄誅所不
敢辭者也伏蒙陛下聖訓丁寧既照察其精誠又憫
念其勞瘁許以保全不使隕越願臣何人遭遇如此
粉骨碎身曷足圖報伏望陛下聖慈檢會臣累上表
劄奏狀特降睿旨從其祈乞許令臣罷知樞密院事
河北河東路宣撫使守本官致仕或外任宮觀一次
上以昭陛下保全臣子之大德下以全微臣知止之
節非獨臣之幸也乃天下之幸也臣現迺遷前去封

邱縣以來聽候指揮干冒宸嚴無任惶懼俟罪之至
第九劄子

臣伏奉親筆累數百言訓勅丁寧諭以終始保全之意宸章奎畫燦如日星臣伏讀感涕不能自己業具劄子稱謝及乞檢會臣累具劄表奏狀特降睿旨許令罷職任守本官致任或外任宮觀一次未奉俞允螻蟻之誠敢再叙陳仰干天聽伏念臣疎拙愚直初無他長方道君朝任不過吏官以言事遠謫流落七年誤蒙放還遭陛下龍飛之際不待左右之言首蒙

賜對臣未及敷奏之間聖語褒諭以臣昨論水事章疏曾經御覽記錄姓名遂被親擢躡處從班未旬日間金賊犯闕臣非時請對與宰執廷爭有合天意遂蒙擢與大政方擾攘日中被委使中遭詆誣罷斥累日聖慈隆厚勞問不輟尋復舊任自春以來孤危之蹤任用保全獲至今日皆出天造而臣才力綿薄初無毫髮之補濫膺兩路宣撫之寄雖受命未久然不能率勵將士驅逐醜虜以寬陛下宵旰北顧之憂有罪無功實覩面目今蒙恩召赴闕議事咫尺天威雖

不勝臣子隱慕之誠然後何顏以望清光兼臣屢經
憂患夙夜震恐疾病交攻心氣不寧難以勉強任事
所以不避斧鉞之誅控告君父乞賜罷斥投閑養疾
不敢貪戀寵榮妨塞賢路誠非獲已伏望陛下聖慈
容以天地之度照以日月之明聽臣危懇哀而憐之
特降睿旨俯從累奏所乞則陛下非有保全臣子之
言乃有保全臣子之實蒙被驅策者孰不感勵兼臣
犬馬之齒未衰使得就閑養疾心氣稍安復蒙任使
捐軀未晚干冒天威無任祈懇激切戰越待罪之至

辭免除觀文殿學士知揚州劄子

靖康元年九月初交割宣

撫使職事與折彥質還次封邱被受尚書省劄子除觀文殿學士兼知揚州具劄子辭免

臣准尚書省劄子脩奉聖旨除臣觀文殿學士知揚
州天恩隆厚未賜誅責復加寵榮感戴之極涕泗橫
流伏念臣偶以菲才叨備器使有罪無功不足以當
秘殿之隆名心勦形瘵不足以任淮海之重寄倘或
冒處必致人言已具狀奏聞乞追還成命外伏望聖
慈檢會臣累上章疏特降睿旨依臣所乞守本官致
仕或外任宮觀一次則始終保全悉歸天造臣以脩

受指揮免見謝辭不候受告般家接人取便道速發
赴新任密邇闕廷不獲瞻望清光豈勝犬馬戀慕之
情雖在山林不敢少忘陛下天地父母之德惟當旦
夕焚修仰祝睿算

乞覈實宣撫司現在軍兵人數財物劄子

靖康元年

八月末被旨赴闕議事九月初旬行次封邱縣蒙恩特除觀文殿學士兼知揚州上劄子具宣撫使現管軍兵財物數目奏聞乞即差官前去覈實

臣伏蒙聖慈以臣累具表乞罷知樞密院事河北河
東路宣撫使特除臣觀文殿學士知揚州軍州事兼

淮南東路兵馬鈐轄臣已具奏辭免恩命乞守本官
致仕或外任宮觀訖伏念臣仰荷聖知特加委任所
以力丐罷者非愛身怯敵之故特以疾病及節制不
專議論不一進退牽制事有不可為者難以虛受其
責臣自六月二十七日總師出國門七月二十日次
懷州八月二十一日被受尚書省劄子召赴闕議事
任宣撫使職事并在道途首尾五十餘日初宣撫司
蒙朝廷差到步兵二萬人分為左右前後中軍四
千人臨啟行日得旨差左軍統制官黃璘將本軍往

真定府宣撫副使劉軫下使喚臣所將帶前後中軍
凡萬二千人現在懷州屯駐逐時訓練并陝西路節
次發到保甲一萬三千餘人現分威勝軍隆德府澤
州汾州衡州等處防守范雄世帶到荆湖北路將兵
峒丁刀弩手等五千餘人現發往隆德府屯駐前項
兵並未曾使用初宣撫司蒙朝廷應副錢二十萬貫
又御前降到現錢鈔二十萬貫銀絹各十萬匹兩除
已支官兵食錢并十日一犒設用過數目不多外餘
皆椿留懷州及在軍降賜庫尚有在內藏庫未曾支

出者三分之二具有文歷簿籍掌管官吏可考按也
臣既罷去恐不知者謂臣喪師費財惟陛下遣使覈
實雖臣自以不才丐罷願朝廷益擇將帥撫馭士卒
與之捍敵金人狡獪謀慮不淺和議未可專恃一失
士卒心無與禦侮天下之勢去矣臣自此不復與論
國事敢冒死以聞

梁溪先生文集卷之第四十九終

梁溪先生文集卷之第五十

奏議

奏知防守酸棗門并乞分遣執政官分巡四壁

守禦劄子

奏知酸棗門守禦捍退賊馬劄子

奏知再遣王師古等兵會合何灌兵出戰劄子

乞給賞將士劄子 奏知造橋利害劄子

奏知已遣王師古出援張搆勾收召募人馬劄子

奏知种師道等兵馬劄子

奏乞种師道聽本路節制劄子

奏知城上守禦器具有木備處劄子

乞措置防護汴河斗門及引水入濠劄子

乞内外兵馬並聽本路節制劄子

親筆宣諭城外軍馬聽宣撫使劄子節制二字無

乞中軍人馬于殿前班教場教閱劄子

奏知放入何灌人馬許孝烈等駐泊去處劄子

奏知將捉到活人等押赴种師道劄子

奏知定廂禁食錢劄子

奏知所統五軍分隸無復移易劄子

奏知歲寒在假服藥調治劄子

親筆宣諭三首 乞用暖轎至閣門劄子

乞免策應姚平仲劄子

乞种師道同出城策應劄子

乞應副長入祇候人馬劄子

親筆宣諭不得交兵 罷尚書右丞待罪劄子

奏知防守酸棗門并乞分遣執政官分巡四

壁守禦劄子

臣適來已到新酸棗門躬率將士防守探得北賊已約有三四百人過城壕內作過今已號令城上現嚴備守禦外即時割付何灌張搆引帶兩頭項人馬前來掩殺合具奏知仍乞分遣執政官分巡四壁守禦御批執政上城恐妨行遣號令已差蔡懋提舉自可巡城分官守禦

奏知酸棗門守禦捍退賊馬劄子

臣現在酸棗門城上同盧端措置守禦及催督張搆何灌王師古等接戰賊兵退屈勢必萬全不煩聖慈

所乞分遣宰執官分巡四壁守禦蓋慮驚東擊西事體不細切伏望留神所有劉延慶西壁闕人業已差人應副去訖謹具奏知

御批公惠畧之志朕記于心更切詢問曾經邊塞人悉心體分布防守存恤撫勞若賊兵遁異等獎擢

奏知遣王師古等兵會合何灌兵出城劄子

臣探得張搆人馬已闕到陳橋門外轉城掩殺賊兵其先在酸棗門下作過番賊漸已過壕潰散臣再遣王師古王柯等兵自萬勝門出會合何灌兵馬同共掩

殺謹具奏知

御批 訪聞得何灌業已身死未知其部下兵馬現差其人統領已批付三省密院疾速照會施行如王師古王何可差即便差充

乞給賞將士劄子

臣現在酸棗門分守京城北壁賊兵漸退將士多重傷乞賜降下銀碗綵絹給賞并于南北酒庫等處支酒付軍前使用謹具奏知

御批 酒已支四百甌銀碗共四百隻量功支賞

公更悉心捍禦朕皆知之李綱傳御筆內藏庫支絹綵共支絹一千匹

奏知已遣王師古出援張撓勾收召募人馬劄子
臣奉聖旨分兵出援張撓等軍馬今來已遣王師古外全闕人兵契勘李彌大已充參謀所有提舉前後中軍召募到人馬已有器甲除已一面勾收赴本司外合具奏知伏乞陛下聖裁更賜處分施行

御批 依奏

奏知造橋利害劄子

臣現同蔡懋監視造橋利害劄子防護臣愚竊謂橋成賊馬寅夜或有衝突恐非單弱兵馬所能制深屬不便渡棧雖稍遲極為得策更望聖慈詳酌施行

御批若不作橋金國愈疑可用枋或板作橋日晚權

時徹去庶得稍便如可施行奏來多具甲兵茲弩斬馬刀李綱日逐在彼措置照管或用吊橋甚善

奏知种師道等兵馬劄子

臣適得种師道奏狀四封謹遣投進詢人來云師道所統兵馬約二萬餘人大半係騎馬皆有器甲士皆

勇銳雖師道令歇泊亦皆不肯星夜前來繼有陳開姚平仲及他頭項兵共約有十萬餘人臣現已將差到人犒設及發文字與師道傳諭聖意訖合具奏知

御批可問道催天下兵不可不機密言語文字亦不

可不謹慎恐為金人所獲事未成而風先露更令

种師道勾集陝西未來者將官人馬

乞种師道聽本司節制劄子

臣冀勘种師道所統西兵將至闕下兵家以節制為重節制不立則雖以李光弼郭子儀等為帥亦有相

州之潰今來种師道所統兵到日欲乞陛下特降睿
旨聽臣本司節制庶几不致誤事

御批种師道宿將善用兵職位甚高難受卿節制作
同官贊曹曠可也曹曠戚里豈識兵事奏來付李綱

奏知城上守禦器具有未備處劄子

臣今日依稟聖旨在新鄭門應副姚平仲下人馬器
甲遂急將在軍已請器甲津般到新鄭門約計八千
餘副據姚平仲稱得旨巡覷西北城壁廻至新鄭門
已日晚乞來早交割臣已委官在門下管勾訖并據

姚平仲稱東西水門須用排板木以防賊馬及城上
守禦器具比之邊城未有備處臣已逐一劄下京城
所依舊施行去訖合具奏知

御批卿竭力徇國朕甚嘉之中心不忘金人素性多
詐姦謀不淺切在審詳行之

乞措置防護汴河斗門及引水入壕劄子

臣伏奉御批送到劄子為壕河水勢陡落見有人涉
水過往夤夜不便令多差人守禦臣已劄下四壁疾
速依應施行契勘汴河水涸今已累日慮被賊人開

決斗門欲遣將兵防護汴河堤岸本司官吏前去相
度收斗門水并南有蔡河西有金明池水櫃金水河
皆可引水入壕增助水勢欲乞指揮都大提舉汴河
堤岸司同共相度疾速措置施行謹具奏知

御批

依奏同陳良弼詳議如何以施具即疾速措置
乞內外兵馬並聽本司節制劄子

臣昨日申時聞馬忠承樞密院指揮移寨入壕披城
屯泊事屬非便臣即時劄下馬忠依舊于元劄寨處
不得移動今唯內降御批依舊處劄寨施行訖奏來

急速不得時刻住滯臣已再行下馬忠遵依聖旨施
行去訖契勘臣累奉旨令專管兵馬事應係內外統
制兵馬並令聽臣節制軍政方一欲乞降睿旨付三
省樞密院今後有指揮應干兵馬事並先關送行營
使司相度施行庶几不致誤事謹錄以奏聞取進止
御批城內兵馬聽李綱節制城外兵馬候別差人
親筆宣諭城外軍馬聽宣撫司節制

應城外軍馬統制統領官已下並聽宣撫司節制不
得侵紊付李綱知委奉

乞中軍人馬于殿前班教場教閱劄子

臣契勘中軍統制人馬現在殿前司駐泊緣殿前司窄狹難以教閱欲乞暫時權于殿前班教場內教閱一日犒設訖依舊于殿前司駐泊望特降指揮取進止

御批依奏

奏知放入何灌人馬許孝烈等駐泊去處劄子

臣早來已奏知何灌人馬暴露日久欲乞來日相度開門放入臣已差下統制官王師古交割統領其許孝烈郭淵臣即不知御前已差兼不知本人現今駐

泊去處更乞措置元承受官司催促施行謹具奏知

御批一面審詳施行

奏知將捉到活人等押赴种師道劄子

臣伏奉御批令臣將捉到活人及走還漢人押赴种師道訖奏臣已依稟聖旨將夜來李構押到走還漢人趙寅押赴种師道處外合具奏知

御批更押數人前去

奏知定廂禁軍食錢劄子

臣伏奉御批措置定廂禁軍米事臣契勘城守糧食

最為大事現在采粟有限運漕未通支俵數目太多
又有食錢實為僥冒臣乞禁軍並支二升半廂軍二
升其食錢諸處申請數目不等現行勘會亦乞措置
務期均一謹具奏知如何聖意伏乞付臣施行

御批恐減之生事卿更熟思施行

奏知所統五軍分隸無復移易劄子

臣奉御批令臣措置兵事整齟軍馬臣竊仰陛下威
斷神武出于天縱勘定大難定克有成而臣猥以常
才方艱難中謬當重任敢不率勵將士以死報國仰

答恩遇臣所統左右前後中軍分隸定已乞降處分
無復移易謹具奏知

御批更不移易准此

奏知感寒在假服藥調治劄子

臣今月三十日早朝退忽感寒氣發熱頭昏現今服
藥欲乞聖慈許免來日早朝取進止

御批可要醫官否將息早出參時方多事全賴執政

可否相濟當體此意

乞用暖轎至閣門劄子

臣伏奉御批撫問令臣將息早出叅者臣仰戴聖恩不勝感涕重念臣自軍興以來夙夜盡瘁靡遑食息衝冒風寒現今就行營司用本司醫官看治臣曉夕稍可支梧欲望聖慈特許臣煖轎至閣門外不以時入對取進止

御批依奏

親筆宣諭只今策應姚平仲

李綱只今前去策應姚平仲不管少有違滯

親筆宣諭押人出門策應

仰李綱只今押人出門策應姚平仲急速

親筆宣諭姚平仲已出兵

仰李綱知悉姚平仲已出兵即疾速盡數發人馬前去策應隨宜措置如敢違滯當行軍令

乞免策應姚平仲劄子

臣伏奉御筆令將帶本管人馬出城策應姚平仲契勘近者福寧殿議用兵事期以二月六日且候姚古种師中到今來姚平仲舉事臣不預知諸軍人馬整齣未畢兼臣現以感寒發熱在假就行營司將理委

是難以前去伏望聖慈特降睿旨免臣策應取進止

御批李綱須管火急前去策應姚平仲取軍令狀奏

乞种師道同出城策應姚平仲劄子

臣伏奉御批令臣火急前去策應姚平仲臣敢不力疾伸報陛下委寄重任之意緣陝西諸路兵及四方勤王之師並係受种師道節制乞降聖旨令种師道與臣同城庶几緩急之際可以隨宜策應謹具奏知臣相度本司人馬當出城北占據形勢一則策應姚平仲二則護衛都城臣已指揮勾集中軍左右軍人

馬赴封邱門聽候使喚欲乞降付新舊封邱門鎖匙

御批師道自別一項係前鋒出戰難以同共卿等只作

後軍策應河疾速施行不得輕動與諸將審而決之大功在今夕來早矣首尾卿贊而成天人必助之乞長應副長入祇候人馬劄子

臣今已到封邱門伺候左右中軍人馬齊足出城近蒙差到長入祇候四十八人並未有馬欲乞降旨于本班中選擇應副謹具奏知細紙甲乞降付十副

御批一面于合屬處作聖旨取急速

親筆宣諭不得交兵

李綱現在統制兵馬為有計議使人在此未可交兵
應城外諸處兵馬依此不能交兵李綱切宜依此不
可少有違誤大事

罷尚書右丞待罪劄子

右臣今月初三日准東上閣門閔報五省樞密院同
奉聖旨罷臣尚書右丞行營使交割與蔡懋臣已即
時罷任交割訖現今在洛室院待罪臣不勝惶懼戰
越之至謹具奏以聞

御批不須待罪安慮

梁溪先生文集卷之第五十終

梁溪先生文集卷之第五十一

奏議

乞黜責梁方平許佃劄子

乞差孟揆幹當舟船劄子

奏知范瑗管下軍馬前去懷澤州防札劄子

繳進根刷到遞角劄子

奏知四路出兵控扼河津劄子

乞立定支給諸色人食錢劄子

奏知支錢放散城上保甲劄子

乞于殿前衙置宣撫司劄子

奏知收到梁方平獨脚旗劄子

奏知募到使臣侯章去大金軍中見肅王劄子

進呈撫諭河北及獎諭徐處仁詔劄子

乞降旨閣門令不隔班先次上殿訖廻任

奏知种師中在太原中府南石橋下寨劄子

奏知种師中已到真定應援太原劄子

乞嚴止絕諸軍浮言扇惑兵心劄子

奏請畫一劄子
乞委三衙揀禁軍劄子

奏知喻意吳敏劄子
快行親從官待罪劄子

乞罷守禦使司劄子
三首

奏知發夏國詔書劄子

奏知姚古節制不明乞差解潛抵替劄子

乞賜武漢英等器甲袍帶劄子

乞催教車戰使臣教頭劄子

奏知种師中現在榆次縣下寨劄子

乞責黜梁方平許佃劄子

臣現已安撫宣德門外軍民各令歸家照管老幼仍

號令不得打傷內臣出榜告示如違當行處斬已各
退敢欲往西北城上照顧守禦卻聞梁方平許佃自
臣罷後依舊上城守禦不合軍民之心欲乞陛下將
此兩人斥責以為將士之戒不然乞陛下即降指揮
各令罷去別擇人管勾取進止

御批依卿所奏黜責與保甲卿且為厥安慰人心

乞差孟揆幹當舟船劄子

臣契勘將來控扼河津合通南北道勾集舟船事務
不少欲乞差孟揆充軍前勾當舟船一切事務庶得

辦集合具奏知取進止

御批依奏付李綱

奏知范瓊管下軍馬前去懷澤州防守劄子

臣適得孟揆劄子稱范瓊管下軍馬已于二十二日
晚間到滑州下寨為橋船落水過渡未得臣與吳敏
等商量欲劄下范瓊令過河前去懷州澤州等處防
守良便更合取自聖裁謹具奏知

御批依卿來奏

繳進根刷到遞角劄子

臣契勘昨自金賊作過以來道路不通四方奏報委積郵傳臣尋委差本司屬官張奕同馬忠措置新鄭門以西遞舖令根刷到遞角六百餘件除係進奏院收管外有金字牌子四個已開具奏狀五十紙并實封奏狀二十封敬用黃絹封全謹具進納伏乞聖裁

御覽批覽卿所奏備見為國勤勞朕記于心益加歎獎

奏知四路出兵控扼河津劄子

臣伏奉聖訓薛安等不可都統制緣係宣撫司日前差委今來金賊已行三日若候姚古种師中二人軍

馬來到誠恐緩不及事臣業已與三省樞密院叅議于今月十二日四路出兵控扼河津如金人渡河即會合護送至河間中山府界今特具兵將人數下項

- 一馬忠往濬滑州控扼河津統領西兵四千九百九十一人統領東兵一萬九千五百三十三人
- 一郝懷往河南控扼河津統西兵五千八百人統東兵三千一百五十四人
- 一韓世忠往大名府控扼河津統西兵四千一百二十一人統東兵三千七百七十六人

一林良器往陽武原武控扼河津統西兵四千七
一百二十四人 右謹具奏知伏乞聖裁取進止
御批現今四路出兵正當恢復大事之際都統制不
才誠恐有誤大事須候姚古來到今先令薛安去
後差姚古臨陣易將不便切候姚古等知奏
乞立定支放諸色人食錢劄子

臣准御寶批送婁全等叫道流星馬請不得口食錢
米事伏奉聖訓速與施行臣已劄下四壁應有似此
之人立便支給外契勘京城逐壁目前支放諸色人

食錢多寡有無並不立定則例皆是臨時各自申請
所以不均臣現今取會欲乞候取到數目本司量度
中制立為定例庶几均一取進止

御批依奏

奏知支錢放散城上保甲劄子

臣契勘城上保甲暴露已久元係畿縣差到其家類
遭虜劫理宜先行放散臣已劄下逐壁令人支錢一
貫支放散去訖所有團結到城裏居民臣已措置並
令放散惟守城正兵須俟大軍控扼河津都城解嚴

方合謝甲放散歸營合具奏知

御批卿奏甚好所有錢並須切濟切當誠所掌人

乞于殿前衙置宣撫司劄子

臣伏奉御寶批令臣差人押宗室士璣赴太宗正司
庭訓訖除名鎖閉又令臣差統制官日下將兵于京
城內巡邏彈壓臣已恭依聖旨差人管押士璣赴大
宗正司交割及令左右中軍統制官分認地界差將
佐人兵巡邏彈壓去訖又奉御批令將大晟府舊行
營使司置宣撫使司令种師道在彼鎮服衆情仍先

出文榜令百姓通知惟此事一未敢施行蓋行營雖
罷已改作守禦使司臣每遇早朝退依舊在彼治事
所有本司人吏官屬並在彼安泊文籍銀物錢絹器
甲等並在彼置庫安頓若置宣撫使司則百事又皆
紊亂勞擾竊慮陛下所降今來指揮未相照應謹却
繳進如欲种師道在近鎮壓乞降指揮未相照應置
宣撫司可也更望聖慈詳酌施行謹錄奏知取進止
御批依所奏施行訪聞百姓現今尚有殺內侍官者
仰李綱速疾差人嚴行禁止

奏知收到梁方平獨脚旗劄子

臣今晚途中逢快行家捉到兩人稱傳呼兵士解甲及將青黃獨脚旗俵與地分尋訪問兩人稱係北壁提舉守禦官李構下使臣傳指揮廂軍不得帶甲下城如遇下城並令解甲其獨脚旗不肯承認已劄問李構外已將兩人解送開封府并據告事人稱梁方平將皂獨脚旗鈹鏤等分散在逐地分臣已差使臣分頭根究收取未到及據閭勅來見臣稱北壁傳指揮收了守城人槍刀器械見李構稱是曾指揮交收

了及修內司兵士稱奉修內司姓吳人指揮令去壕外築牆高六尺如此則全賊可以藏身矢石皆不可及逐項事節皆係緊切伏乞聖慈詳酌施行謹具奏知現收到獨脚旗九面除兩面留此照驗外七面今繳進所有北壁器仗已劄下依舊俵散去訖再具奏知

御批一面令改正

奏知募到使臣侯章去大金軍中見肅王劄子臣近召募到使臣侯章前去大金軍中見肅王并駙馬曹晟體問消息今據侯章回來稱到磁州澄陽野

寨中見肅王並曹晟並各安樂未有回期取到肅王
曹晟親書付本家文字今特繳進謹具奏知

御批

大金軍馬次第如何只今奏來

進呈撫諭河北及獎諭徐處仁詔劄子

臣恭稟聖訓擬草定撫諭河北州郡及獎諭徐處仁
詔書一道進呈如可施行乞用御寶下以憑發遣北
京差來人事屬緊具合奏知取進止

御批

詔甚奇若人去時切防虜掠恐金人得知不便

卿患微疾想漸平愈朕甚記憶更宜加慎

奏請畫一劄子

臣李綱今具合奏畫一事件計開下項謹錄奏知
一勝捷兵昨日已得旨差孫渥張師正統領前去訪
聞孫渥官職雖高不曾經歷行陣武畧大夫王從道
西人善用兵飽經戰陣欲令同張師正統領乃乞來
日引對賜以器甲戰袍今日下發遣

御批
依奏

一陝西轉運使張灝以其父孝純令赴闕下奏事已
到國門乞降旨閣門令不隔班先次上殿訖回任

御批兩日前已指揮閣門訖

一京畿第八將已差赴种師道軍下使喚所有孟彥
尤押到西京保甲二千餘人卻撥與錢益將帶往陝

西使喚

御批依奏

奏知种師中在太原府南石橋下寨劄子

臣伏奉宸翰种師中在甚處差人探問及起京西一
將赴宣撫司使喚臣契勘適見劉韜奏狀稱據中軍
將趙哲中師中軍馬探望得在太原府南石橋下寨
去太原十八里已差效用兩人前去探問外所有京

西將兵現契勘差撥次其劉韜奏狀繳進謹具奏知

御批

若是如此可令劉韜急發人兵救應并應副糧

草前去不得刻行遲滯

奏知种師中已到真定應移太原劄子

臣適得劉韜詔日報种師中已于二十日到真定由
井涇路應援太原並擒到生口處審問得金人輜重
十六七間已離太原粘罕二十一二間亦北去劉韜
欲遣人前去收復所代所有咨目同繳進謹具奏知

御批

覽卿來奏朕少解憂心皆祖宗積德所致群公

同心之力可更措置早令出界今秋甚近大要支
吾糧食人馬城池塘濼一一急速備辦施行

乞嚴止絕諸軍浮言扇惑人心劄子

臣伏奉聖訓諸軍亂傳散賞錢事如何可以消弭臣
契勘諸軍只緣上皇扈從人兵給賞過優推恩過厚
所以鼓倡浮言今將已緝捕在殿前司開封府人杖
配懲戒靜以鎮之自須無事或出一勅榜開諭軍人
以上皇暴露已久扈從之人理宜優異乃以崇奉上
皇之故至于在京諸軍非有功者不賞事體不同今

後輒敢撰造語言遞相扇惑者並從軍法如此處置
似為穩便伏乞聖裁謹具奏知

御批依奏

乞委三衙揀禁軍劄子

臣伏蒙聖訓欲以輦官教駿清衛廂軍內揀禁軍臣
竊恐之于事甚便但專令三衙自可以辦如別置揀
兵所則三衙必又有語更望聖裁

御批

依奏業已揀充禁軍慮或逃避當嚴立法發遣
快行親從官待罪劄子

卷之五十一
臣前月二十八日奉御批守禦使司快行親從官十
二日發遣歸本司臣即時依稟聖旨發遣歸本司訖
適聞前項親從官俱已得罪臣契勘累嘗具奏乞罷
守禦使司未蒙俞允故前項人亦因循未曾發遣歸
司今來逐人別無罪犯若以因循有失發遣罪乃在
臣乞聖慈特賜斥責臣無任惶懼待罪之至取進止
御批無得罪之理已降旨皇城司令依舊抵應卿但
安慮此迺皇城司官誤曉今早批旨深所愛卿始
終保全但審思之寵司更俟畧經思慮付出施行

奏知喻意吳敏劄子

臣伏蒙聖慈令臣喻意吳敏不得再有陳請吳敏適
間宣押到都堂不曾相見已即上馬作簡與之亦未
曾答容臣再以簡具道聖慮續奏聞次

御批如此不知卿曉其意否不知為甚圖作紛
奏知發夏國詔書劄子

臣伏奉宸翰付到夏國詔書即差使臣賫發前去合
行事宜容臣來早同宰執諸臣面奏次謹具奏知
御批來早奏恐遲今先具奏

奏知姚古節制不明乞差解潛抵替劄子

臣伏奉宸翰太原未解圍日夕憂念寢食皆忘仰見聖慈留神邊事焦勞如此臣等措置無效不勝惶懼待罪之至適得种師中奏統制諸將已至大安駟去太原府九十里節次斬獲金賊首級開通道路得張孝純蠟書及張師正軍馬已到中山行軍有法決須成功欲乞先次降詔獎諭及撫問將士量加犒設其姚古節制不明致汾州統制官等軍馬潰散乞差解潛抵替其解潛已到長安已催令星夜發來赴闕奏

事訖前去亦須多降金帛令軍前激賞訪聞汾州現有官絹十餘萬匹河東民戶以金賊虜掠現無衣著而有窖藏以絹易粟可以足食所有种師中等奏狀一紙繳進乞賜聖裁

御批种師中奏昨日並皆子細看了封出除已降詔獎諭种師中外並令三省樞密院行下量加犒賞其餘解潛等事依奏作聖旨施行

乞罷守禦使司劄子

臣累具劄子乞罷守禦使司未蒙俞允竊緣使司今

來別無職事而有官吏食錢之費在今日財用窘乏之際誠為可惜臣愚以謂不若遂行罷去將所餘銀絹錢物等並歸元來去處官告送納御前如聖意未欲遂罷即乞別差官提舉及將臣所辟置官屬現存數目並行減罷取進止

第二劄子

臣契勘昨具劄子乞罷守禦使司伏被聖旨令候金人出境結局今來河北賊馬已解散太原解圍祇在朝夕所有守禦使司別無職事欲乞限五日結絕所

有現在錢物銀絹官告等乞並送左藏庫樁管聽候樞密院緩急支用其簿歷等並送比部勘磨一宗公案付樞密院收管取進止

第三劄子

臣今早嘗具劄子乞罷守禦使司未蒙降出施行竊緣賊馬遠去京已底寧守禦之司實為虛設伏望陛下聖慈特賜俞允臣早來所上劄子欲將本司所餘錢帛銀絹官告等乞並送左藏庫寄納樁管准備樞密院緩急使用今來相度事務亦不須如此乞盡撥

歸元來去處官告送納御前或行毀抹現今庫官攢造供具業已支現在數目續具進呈取進止

御批可併歸樞密院其錢帛銀絹官告等物本處收管聽候緩急取旨支用

乞賜武漢英等器甲袍帶劄子

伏奉聖訓今武漢英張師正來日日下出門已劄付逐人知委欲乞早賜器甲袍帶以激勸之謹具奏知

御批已差陳顧言賜訖

乞催教車戰使臣教頭劄子

臣伏奉宸翰李石處戰車數等可取索定驗看使者令造臣近已曾取索到數等內姚古者似可用昨已造五百兩近再奉指揮湊造一千兩已于姚古處勾收車戰使臣教頭十人前來教習尚未到謹具奏知

御批教頭尚未來到可再催督施行

奏知种師中人馬現在榆次縣下寨劄子

臣伏奉聖訓速要見种師中現在甚處下寨臣適見河北轉運使張益謙奏體探得种師中現在督帶人兵在于太原府之榆次縣地方下寨臣今已召募教

用與借進義校尉前去榆次縣种師中處投下文字
候取得回文日取旨推恩補正所有張益謙奏狀附
繳進呈謹具奏知

梁溪先生文集卷之第五十一終

梁溪先生文集卷之第五十二

奏議

論兵食等事劄子

乞使副差武臣一員劄子

乞括馬劄子

乞差曲奇充統制官劄子

再乞曲奇劄子

乞令承受官王褒隨軍劄子

乞宣承受官劄子

乞辟劉瑋充統制官劄子

乞支降現錢劄子

乞令李遜權帥真定劄子

乞免簽書樞密院常程文字劄子

再乞免簽書樞密院常程文字劄子

繳進秦原^元地方圖冊及奏知解潛議事劄子

奏知者詳秦元圖冊并乞差察視親事官劄子

乞嚴治逃避士卒劄子

奏知應副解潛等軍中銀物劄子

奏知賞罰董有林冀景等劄子

乞令張灝同折可求節制汾晉人馬劄子

再乞令張灝同折可求節制汾晉人馬劄子

乞招捕勝捷軍劄子 乞差種師道巡邊劄子

乞立收復忻代等州賞格劄子

乞殿前馬軍司摘馬劄子

論兵食等事劄子

臣伏奉御筆卿素忠義何故不欲去者臣既已受命
豈敢不行實緣近日朝廷之事議論紛、不一或以
為臣所請之物難辦或謂種師道不當罷斥或又謂
臣不當行而行紛、如此何以集事臣竊謂陛下所
以遣臣者本欲責以事功也若兵寡則何以分援兩
路而鎮國威若物少則何以供給將卒而作士氣况
兩使並行于事體實有未當非臣所敢不欲行也伏

望聖慈特賜睿察更容臣來日面稟聖訓謹具奏知

批御卿去時切不可輕舉接戰除此祝卿其餘定保

萬全必不貽累朕當寬北顧之憂矣請兵食與錢

絹二事朕當悉力應副三省之議尚未定局適已

親筆出如早未喻卿者卿但撫綏將士慎重措置

乞使副差武臣一員劄子

臣伏蒙聖訓已除臣宣撫使李彌大為副感荷天恩

不勝惶懼緣臣與彌大實皆書生初不深曉兵事恐

誤國計使副當以武臣一員有名望者為之臣非敢

惜身避事實懼仰辜委任之意更望聖裁謹具奏知

御批若與种師道俱行亦無害但恐老不肯治事卿

叅酌眾議只今奏有名望者武臣一員前來急速

乞括馬劄子

臣契勘軍行全藉騎兵今來宣撫司出師得馬不滿

千疋又多疲弱金人鐵騎動以萬數將來防秋之計

不知何以禦之臣實深為焦慮今早當具面奏乞于

都城括馬以濟目前之用伏蒙俞允敢望聖慈令三

省日下措置先降指揮非有品級官不許乘馬續令

開封府根括立定格尺價例官為收買其低小不堪
披帶者不在此限盡數撥付宣撫使給散缺馬諸軍
應用庶几軍容稍振不為虛文可收實用取進止

御批李綱乞括民馬可詳酌施行付中書即速行下

乞差曲奇統制官劉子

臣契勘曲奇今日已到闕伏望陛下聖慈即差充本

司統制官填劉錫改差闕取進止

御批旗鼓等並依所奏行下曲奇欲差作御帶不知

卿可徹否別踏逐人亦須有之適折彥質奏來河

東事並有次第須卿早去受命已月餘尚遷延如

此有損國體兼河北河東人民日望宣撫使到卿

可星去括馬等事已指揮尚書省速令應副訖

再乞曲奇充本司統制官劉子

臣伏蒙聖訓以臣辟置曲奇為統制官今別作踏逐

者契勘种師中姚古軍潰散之後仰荷天慈委以宣

撫重寄主憂臣辱不敢辭難旋擇將佐無一可用者

非得一二統制官稍有名望何以折服衆心前乞劉

錫不旋踵已除制置使今幸曲奇到闕若不干冒聖

聰辟置軍中使護諸將則此行未見有可委仗者伏
乞陛下聖慈特降睿旨俯從所乞不勝幸甚取進止
御批邊臣豈無可委但未踏逐到耳莫且尋如果無
別奏 李邦彥已令責

乞令承受官王褒隨軍劄子

臣伏蒙聖慈遣宣撫使承受官王褒前來議事將來軍
行欲乞令王褒隨軍前去更合取自聖裁括馬尚未
蒙朝廷施行日限已逼乞速降睿旨催促謹具奏知
御批王褒隨軍可依所奏即行劄與本人括馬文字

只今再錄卿所論劄子一本來待看詳催督

乞置承受官劄子

臣契勘宣撫司各置承受官一員伏望聖慈于近上
內侍中選差取進止

御批差睿思殿祗候王褒

乞辟劉焯統制官劄子

臣契勘中山路府鈐轄劉焯已到闕其人才武有謀
臣欲辟充宣撫使統制官伏望陛下聖慈特賜召對
問以方略臣前所薦文林郎郭執中雖已得旨賜對

久未有班次乞下閣門令來早引對取進止

御批依奏施行

乞支降現錢劄子

臣伏蒙聖慈令三省支降錢十萬貫付京西轉運使司糴買糧草應副宣撫使司准尚書省劄子今于新稅錢內支撥應副竊緣新稅錢現于民間理索今來出師在近理須預辦糧草深慮闕誤伏望陛下聖意今自朝廷支降現錢或于內藏庫借支應副使用將來却令照數樁還度几日下可以集事取進止

御批朕應副卿令內藏庫借支日後樁還今朝廷撥

還畫旨行下係一十萬貫

乞令李邈權帥真定劄子

臣曾具劄子乞令李邈權帥真定蓋恐錢伯言來到遲滯有妨劉鞫出令入臣契勘李邈才幹心力亦可倚以辦事伏望陛下聖慈早賜降旨施行取進止

御批已批付三省訖只今更催業已批出三四日為

可問三其劉鞫所奏甚善仰卿一面措畫施行

乞免簽書樞密院常程文字劄子

臣伏奉聖旨來起離間依舊于樞密院治事臣契勘現今宣撫司事務繁多精力不給欲乞除樞密院應于邊防調發兵馬差除將兵官使臣外其餘常程文字特免簽書取進止

御批依舊簽書

再乞免簽書常程文字劄子

臣近具劄子乞免樞密院簽書常程文字伏奉御批依舊簽書臣契勘現今宣撫司措置事務委是繁多目力不及伏望陛下聖慈特降睿旨許臣除應干邊

防調發兵馬差除兵將官使臣外免簽書仍不依時上馬赴宣撫司治事謹再奏乞取進止

御批依奏

繳進秦元圖冊及奏知解潛議事劄子

臣伏奉內批取秦元所進三冊二圖謹依稟繳進適已召解潛議事欲且保隆德府觀事勢去威勝進兵來早對訖出門謹具奏知

御批解潛事依卿所奏可將秦元所進之三冊二圖今三省樞密院同看如若可用即降陣圖給付秦

元教保甲三冊令諸保甲為永久成法疾速施行
奏知看詳秦元圖冊並乞差察視親事官劄子
臣伏奉御批令將秦元所進圖冊付三省密院同看
詳施行臣已依稟訖所有將來出師合差察視親事
官隨軍使喚乞降旨皇城依前後體例差撥取進止
御批兩劄業已行下三省並馬軍司及王宗濇訖親
事官令差去赴宣撫司卿可疾速治行為朕了此
大事必有厚報太原圖冊圖閉久每念之無不流涕也
乞治逃避士卒劄子

臣契勘方此暑月出師士卒已有棄下器甲逃避者
若不嚴行止絕切慮遞相倣倣深屬不成軍制臣已
令諸軍檢察如見得姓名即具奏聞乞下開封府及
本營緝捕從軍法施行謹先具奏知

御批軍法應當如此朕已親筆下開封府如有緝捕
得宣撫司逃避軍人即差人押送赴卿施行

奏知應副解潛等軍中銀錢劄子

臣伏奉宸翰令臣將本司銀錢應副河東支用臣契
勘已將銀二萬兩應副解潛見鈔十萬貫應副錢歸

善五萬貫應副折可求一萬貫應副高衛外今再起
發銀二萬兩應副錢歸善一萬兩應副張灝計共應
副過解潛等軍中銀五萬兩錢共計一十六萬貫並
差使臣管解前去候取收付到日繳進次謹具奏知
御批已令行快齎閔子與河東轉運銀絹折錢金令
內臣蔣堯卿押赴折可求銀絹令李倫押赴河東
轉運司銀絹令秦同老押赴卿各有數不能具寫
俟到卿一差檢點取會數奏來如再闕少亦具奏
奏知賞罰董有林吳景等劄子

臣契勘諸道約日會合進兵之初須令賞罰分明足
以勸沮竊見武節郎董有林權知隆德府數月修葺
城池招復逃散人戶極有風績武節郎楊志昨隨種
師中先次收復榆次縣大兵既潰志不免退師諸將
散逸志獨收集殘兵保據平定屢次立功殺退賊馬
理須給賞臣已便宜作奉聖旨董有林與閣職楊志
與免合降官更轉一官訖吳景昨于石嶺關失守近
又于汶水縣潰散王何作統守禦司人兵中路潰散
近又于文水縣敗衄理須重罰臣已便宜作奉聖旨

將冀景王何二人各削奪在身官職令白身充當統
制候立功奇功與甄叙訖謹具奏知伏乞聖鑒

御批

甚善極當理所有轉官人關與三省出給官告

乞令張灝同折可求節制汾晉人馬劄子

臣伏奉宸翰張灝欲依舊節制將士解圍太原令臣
熟思合如何施行奏來臣契勘折彥質奏解潛以節
制不一十羊九牧無所適從故罷張灝節制今將張
灝所團結召募將士民兵人等亦五百餘人欲往汾
州會合折可求身自督戰兼汾州一帶有松子嶺之

類可以出奇皆張灝平時措置去處欲乞許張灝同
折可求節制汾晉人馬會合解圍更望聖裁取進止

御批
依奏

再乞令張灝折可求節制劄子

臣伏蒙聖慈差使臣押到太原府下蠟書人并宣示
張孝純蠟書臣敢不仰遵睿詔約束將帥會合解圍
以上副瘁勞之意近具劄子乞令張灝同折可求節
制今措置西山一帶伏望早降睿旨廢使不失機會

御批
依卿奏一面畫音行下

乞招捕勝捷軍劄子

臣訪聞勝捷軍兵勢頗猖獗若不早行掩捕招收漸向東南為患不細臣已昨得聖旨令宣撫司出榜招諭令人齎榜付曲奇韓世忠及行下逐路提刑司去訖所有榜文今同繳進謹具奏知

御批足見憂國愛君之心嘉歎不忘

乞差种師道巡邊劄子

臣累具劄子乞依舊起發諸路防秋人兵及乞令种師道統師前去中山照應繫國大事皆未得報伏望

陛下深留聖念取進止

御批种師道已降勅差帶樞密巡邊為別無名故以巡邊為名

乞立收復忻代賞格劄子

臣契勘解圍太原不次推恩已有親筆手詔外收復忻代未曾明立賞格忻代等州不復則太原亦難安居臣欲乞將立到奇功收復忻代將士與依解圍太原推賞庶几有所激勸其王以寧乞前去措置劄子今同繳知伏乞聖照

御批依卿所奏降旨曉諭將士

乞殿前馬軍司摘馬劄子

臣伏奉宸翰令促解潛前去河東交割職事已行下
今限日下出門去訖臣現今治行但所得馬軍三千
人內二千七百餘人闕馬殿前馬軍司不肯應副雖
蒙指揮樞密院措置應副緣太僕寺等處現今缺馬
無可支撥者伏望聖慈降旨殿前馬軍司摘挪有馬
人兵抵潛須管足庶几軍容稍振實係國體取進止
御批足則恐難足得可令摘馬一半應副係現今殿
前軍馬司現管數摘挪一半大率現在一千足摘

五百足赴宣撫司作奉聖旨施行

梁溪先生文集卷之第五十三

奏議

論郭仲荀劄子

繳進劉韜申狀劄子

發回親事官劄子

奏知約束解潛寺會合劄子

乞在外宮觀劄子

繳進通信林牙書詞劄子

乞遣使劄子

奏知行遣親事官劄子

再請宮觀劄子

奏知賈瓊等功狀劄子

親筆宣諭節制事

乞修復塘泮舊朝劄子

宣諭施行節制事

繳進太原賊寨圖劄子

奏知督責張灝劄子

宣諭再劄下節制事

乞致仕宮觀劄子

奏乞起發弓弩手劄子

乞令張懋專一應副軍中糧草劄子

奏知施行大臣擬進文字劄子

論郭仲荀劄子

臣伏見知雄州郭仲荀罷不知何故仲荀沈鷲有謀
諳練兵事武臣中所難得雄州極為有功今既罷任
未有差遣臣契勘太原現缺總管現今王稟祇是權
在城中將來解圍須得力將官幹辦軍馬伏望聖

慈優與仲荀遷府特除太原府路都總管今隨宣撫
使司俟太原解圍之日再行發赴新任取進止

御批業已與郭仲荀轉一官差隨宣撫司聽候任使
如到卿即一面作聖旨差注

繳進劉韜申狀劄子

臣得劉韜申狀錄到太原府張孝純蠟書係劉韜遣
人于鳩尾送書入城孝純方知朝廷遣韜并解潛措
置河東解圍事係今月初一日臣契勘太原圍閉已
踰半年有餘軍民堅守無有二心今諸將約期會合

有可成功之理此誠宗社之休而亦陛下聖德之所
更望少寬聖慮所有劉韜申狀同繳進呈謹具奏知
御批朕覽茲奏涕下沾衣卿忠義殉國奮不顧身太
原解圍專任卿力但不可出此月恐賊情愈生姦
計朕日夜切心日望捷音更與督諸將

發回親事官劄子

伏蒙聖慈差到察視親事官十人臣契勘本司左右軍
已委往河北前後軍已差往河東今中軍已有先差
到親事官使之察視今來所差到十人別無使喚去

臣已令快行家依舊管押赴皇城司外謹具奏知處

御批甚善

奏知約束解潛等會合劄子

臣得劉韜咨日與解潛張灝等議定二十八日進兵
會合解圍臣元約二十五日以前以解潛張灝二人
稱威勝軍汾州兩路軍馬器甲錢糧未備故展三日
不出此月使事稍辦集亦所不爭臣已催趣元降付
河東器甲及截撥陝西器甲過懷州界度如期可以
至軍前又以本司銀絹現錢關子節次應副已再行

約束解潛張灝折可求等令如期會合踴躍前去所
有劉韜咨日及臣約束今同繳進謹具奏知取進止

御批卿切指揮諸將互相照應敢有觀望不進者卿

便行軍法仍令諸將知如立功便除節鉞更有奇
功當如開封儀同三司將士兵卒兩倍推恩若止
逐逼出界亦奇功也歸師勿遏卿更詳之解潛似
不用心卿更誠之并折可求卿所奏請並已依奏
付三省樞密院訖

乞在外宮觀劄子

臣輒瀝誠懇仰干天聽臣素有小腸氣疾近因冒暑
發作痛楚牽拽腰腹兩日來頓覺行步艱難見力疾
治事深恐有妨軍政誤國大計今將諸路大兵會合
並已進兵太原解危祇在旦夕伏望聖慈察臣非避
事者特降睿旨許令候太原解圍見得次第將本司
職與交割與劉韜除臣一在外宮觀使得就閑養疾
異時驅策誓死靡捐干冒天威無任惶懼戰越之至
御批卿奮然忠義實廼社稷之臣朕方賴卿如長城
矧當此恢復大計時豈得有此請今特封還來奏

繳進通信林牙書詞劄子

臣所遣歸朝官通信林牙書詞錄白繳進謹具奏知

御批通信林牙書詞錄快行四人并李倫泰同老押

錢銀絹係三項今日業已起發盡絕數日內想即

可到更俟童貫物來當發金二萬兩付河北河東

兩路卿不須慮朕不應副朕于凡事節儉收拾金

銀錢絹止欲實賞戰士保守祖宗疆土此大願也

乞遣使劄子

臣近蒙聖訓遣使金國今適其時乞降睿旨令速發

遣度凡不失機會取進止

奏知行遣察視親事官劄子

臣契勘昨承御前差到察視親事官二十人分在五

軍察視今月二十三日有中軍察事親事官閔義一

名飲酒至醉將把門兵士劉興超打據監門使臣周

全等呵驗委實有酒具狀申舉臣尋送推司根問招

伏情犯臣為係御前差到之人不敢擅行軍法特具

所犯送皇城司施行謹具奏知

御批閔義一面處斬軍中不可不嚴肅卻待更差十

人親事官去與卿使喚今來有過委卿一面斷遣
再請外任宮觀劄子

臣伏蒙聖慈以臣具劄子自陳因冒暑宿病發動乞
候太原解圍就緒日除一外任宮觀特降親筆不允
仰戴天恩伏深感泣竊念臣迂愚無取誤蒙陛下特
達之知付以重寄不敢辭難今者大兵進發指期破
賊保全舊疆臣敢不力疾自効但于仰遵睿算破賊
解圍之後乞賜矜憐從臣所請則終始大德異時圖
報誓死糜捐干冒天威無任惶懼戰越之至取進止

御批卿副朕委寄竭身殉國朕甚嘉之惟願破賊解
圍之後當與卿共享太平之休勿復再有陳請

奏知賈瓊等功狀劄子

臣據劉韜王瓌狀申賈瓊楊志于壽陽縣界節次攻
擊賊馬及殺獲近上首領趕墮崖谷死者不計其數
兼捉括活人稱賊衆中說今次南朝人馬硬不似前
日必是將銀買來雖小捷未足到然大兵會合繼進
亦足以為先聲除賈瓊已取到立功人功狀奏聞外
楊志功狀現會取保明謹具奏知

御批可喜皆卿措置所致賈瓊楊志疾速保明功狀
當優與推恩朕削減濫賞專以官爵賞軍功將士

親筆宣諭節制事

節制不一亂之所由生也朕已屢批付卿外今三省
樞密院定議再劄下可行下諸將朕行遣應副邊事
雖在寢食之間亦不敢忘此付卿知

乞修復塘灤舊制劄子

臣契勘塘灤深不可舟淺不可涉限隔賊馬實為國
家永遠之利緣塘灤有蒲魚稻田自來係屯田司拘

管以修治隄防為名其實以充私用往往放洩塘水
營利自豐漸合塘灤湮廢不足限隔深失祖宗之意
今來新開塘灤皆係民田伏望聖慈特降睿旨下河
北路轉運使相度會計一歲所修隄防之費量自轉
運使及朝廷應副不許種植稻田其蒲魚之利許小
民採取庶几塘灤漸復舊制而沿邊比居貧民亦蒙
被陛下德澤實為大惠謹具奏聞取進止

御批依奏卿一面作聖旨行下訖奏
宣諭施行節制事

卷之五十五
節制事一項付卿施行庶歸于一易于聽從朕已親
筆批去今再劄下可遍行付諸將

繳進太原賊寨圖劄子

臣昨遣郭執中隨解潛軍至北關令照管控扼將士
具到劄子并畫到太原賊寨圖一本同繳進謹具奏知
御批郭執中老成且素知兵法卿差去甚善今日童
貫金已到河北河東差內侍陳珣楊公謹管押逐
路轉運使各一萬兩卿軍前三千兩竊恐轉使無
力應副卿可與措置庶几共濟國事朕應副兩路

行遣寢食未嘗忘願早祖宗疆土復

奏知督責張灝劄子

臣伏奉宸翰宣示張灝奏狀今臣措置施行臣契勘
灝昨緣罷節制不肯與事致汾州等處軍馬久失整
齟既蒙聖恩復還節制自合星赴汾州治兵上以報
國下以救援父兄久在圍城之急乃以催督糧運為
辭久留平陽府及稱得折可求報汾州有賊馬出沒
且在回牛嶺照應顯是推托逗遛不進臣已作奉聖
旨劄下折可求須管收復樓煩縣又劄下李宗應副

錢糧般運晉絳斛斗不管闕誤外一面催督張灝趕
起大兵責以不忠不孝之罪將來解圍太原如灝輩
實不可驅使乞候解圍後便罷灝察訪使謹具奏知

御批

張灝如此顯見有誤大事卿自可一面施行

宣諭再劄下節制事

臣檢會元降指揮宣撫總制置護諸將仰諸路制置

統制軍兵官遵依元降指揮並聽宣撫司節制如取
宣撫節制不及者今聽制置節制其張灝种師中王
以寧既統領兵馬自合依諸路例制施行

乞致仕宮觀劄子

臣輒瀝誠懇仰干天聽載惟冒瀆良積兢惶伏念臣
學術迂疎才能淺短幸遭陛下龍飛之初誤蒙識擢
獲參大政方金寇犯順危城之下特被委任晝夜罄
竭不敢辭難常以叨冒過當欲俟賊退事平之後乞
歸田里章疏屢上不蒙俞允佩戴恩德以感以銘此
者奉命宣撫兩路河東河北夙號事繁眷倚之重尤
非愚臣所能克堪力辭不獲黽勉就職冀圖報効以
副陛下北顧焦勞之憂而臣一介庸儒素不諳練兵

家之事號令不明方畧無取自出師以來將士屢北
未能有尺寸之功仰答殊遇夙夜憂悸不遑寧處舊
有心氣之疾怔忡健忘頓不能支若不投誠控告君
父誰復為臣言者軍政廢弛有誤國家大事雖伏斧
鉞之誅亦復何補伏望聖慈矜憐特降睿旨擇所以
代臣者罷臣職任許令迤邐前去聽候指揮如蒙天
恩終始保全未加竄責令臣守本官致仕或外任宮
觀一次俾得退休養疾不勝感戴激切之至取進止

奏乞起發弓弩手劄子

臣契勘范世雄今日已統領到土兵等現依則例犒
設及支放器甲節次起發赴解潛軍前據折彥質劄
子稱解潛日下委是危急等候前來策應臣已曾奏
聞乞降睿旨將守禦使司勾去弓弩手及撥付種師
道下湖南將兵依舊起發赴本司差往河東策應伏
望聖慈體念解潛一事緣金賊重兵前來委實頭重
或有疎虞遂致猖獗則威勝澤潞一帶便見搔動特
賜允從差人管押蹉程前來不勝幸甚取進止

御批

四日已發去朕行遣邊事不便少有遲滯不曾

少放心日逐憂念

乞令張慤專一應副軍前糧草劄子
臣昨已得旨令張慤張益謙專辦應副本司糧草除
張益謙已往劉鞫軍前外張慤近准尚書省劄子令
往中山府司糴買本司闕漕臣應副竊恐誤事魚糴
買自米只今委官不須置司伏望陛下聖慈特降睿
旨令張慤專一應副本司糧草其中山府糴買另委
官前去施行謹具奏知取進止

奏知施行大臣擬進文字劄子

臣伏奉宸翰宣示大臣擬進文字四件臣看詳皆可
施行已逐一行下諸路將帥去訖臣契勸大兵進發
會合今已三日仰遵睿算冀克有成但臣責任之責
重夙夜震懼不遑寧處才候軍前有報即上聞次謹
具奏知

御批卿想勞神朕自二十八日至今夜卧不安枕席
惟俟嘉音

梁溪先生文集卷之第五十三終

梁溪先生文集卷之第五十四

奏議

乞按河東地圖劄子

乞保明拒守立功等事劄子

乞待罪劄子

乞差范世雄充判官劄子

奏知令折彥質控扼守備事劄子

奏乞于懷州置司劄子

奏知發去生兵等事劄子

奏知掩龍南北關賊馬劄子

再乞差范世雄充判官劄子

奏知令劉韜等度相事勢進發大兵劄子

乞優贈陣亡孫逢等劄子

繳進折彥質等咨目劄子

待罪第二劄子

乞留熙河蕃僧軍前使喚劄子

奏知進兵次第劄子

乞賞血戰戮累潰人劄子

奏知劉韜欲由壽陽進發大兵劄子

乞降衲袄劄子

乞按河東地圖劄子

臣據劉韜申王瓌王淵等二十九日于竹寧下寨據報有金賊二千餘騎過平城縣南已整陣前去掩殺契勘平城縣在遼州之北正繫去太原之路賊知宣撫制置兩司在威勝軍一路故以重兵前來捍禦而以輕騎過遼州之師今解潛既能禦賊重兵則輕兵必為王瓌所破乘勝逐北別無阻節決須解圍及牽

制南北關賊勢數日間決見次第臣愚竊謂金賊若
潛伏山谷伺我師之出據扼險阻以斷糧道且絕援
兵則深為可憂今先來迎敵乃我之利又得湖南北
兵前去應援據險以南方強弩火箭射之定須退走
平定汾遼之師並進決有成功之理臣蒙陛下委寄
之重慮有疎虞日夕惶恐仰賴天威冀克有濟更望
聖慈下有司取河東地圖一本置御座之側臣每奏
報諸路進兵接戰下寨去處庶可稽考謹具奏知

御批見有圖一面日逐稽考

乞保明拒守立功等事劄子

臣據解潛申自初一日至初四日與賊相拒依舊于
扈甲村占地利下寨相度賊勢進兵及本司參議官
郭執中勾當公事董元凱劄子稱北關把守使臣除
彭彥一寨為賊攻破外其餘王孝忠鄒處節陳思恭
等寨依舊據險固守賊馬現在南北關內盤泊為北
關殺千餘人解潛諸部殺二千餘人皆精兵所以不
敢前來衝突臣契勘金賊包藏禍心非特堅圍太原
又欲乘此秋涼決策深入自非前期整齟軍馬已有

隄備則賊馬猖獗勢未可知前此兵將望風輒潰今
解潛种師弓等與賊血戰拒捍賊馬不使侵軼已第
四日深為可嘉臣除已約束解潛驅逐賊馬不管別
致疎虞相度進兵外仍令開具保明立功及中傷陣
亡人先次推賞庶几有所激勸其退避人已斬百餘
人訖現在已有次第就緒謹具奏知

御批立有功劳及傷中人自當先次推恩疾速保明
奏來朕當不次遷擢

乞待罪劄子

臣以菲才誤破陛下知遇常願奮不顧身以圖報效
近蒙聖恩差充河北河東兩路宣撫使司任大責重
體不克堪業已累具辭免不蒙俞允屢勉就職自出
師以來日夜震恐不遑寧處究心竭力期解太原之
圍以副陛下眷獎之意而制置副使解潛與賊相遇
于南北關力戰累日兵卒潰散致誤國事皆緣臣節
制不明方畧無取之故以致有此疎失罪何所逃伏
望陛下聖慈特賜誅竄以允公議臣以軍政不敢擅
行交割現供職待罪無任惶懼戰越之至取進止

御批所乞不允仍止再請

乞差范世雄充判官劄子

臣得劉韜咨目并申狀具道進兵次第并招納到耿守忠手下人謹同繳進今解潛軍潰所望立功解圍者惟韜所遣兩項人馬汾州所有威勝軍一路一馬及臣節次遠去兵未有統屬權係折彥質節制竊慮難以責辦所乞與范世雄進職差充宣撫判官今節制威勝軍一路一馬破敵解圍伏望陛下聖慈體念今來河東事體危急出自睿意不受官爵使人奮不

顧身上以寬陛下北顧之憂下以應援諸路之師一時之志如范世雄才畧兩作帥臣熟于兵事付以節制必能大事成功乞伏速降睿旨施行取進止

御批范世雄充當甚善已降旨訖續次封賜告去卿

可一面作奉聖旨與范世雄令先供職不可緩納祇已發一萬領續見催發去次湖南人已指揮訖朕數日以來煩惱不可言太原事思之若痛苦痛

奏知令折彥質控扼守備事劄子

臣據折彥質劄子解潛一行人馬連日血戰至初四

日辰時賊併力攻犯營柵遂致奔潰潛并將佐未知
去處彥質現于威勝收集散亡人兵竭力控扼又據
隆德董有林申探到初四日辰時以來金賊衝撞透
中軍解制置隨時上馬引帶使臣東北上去臣旋契
勘解潛于南北關拒捍賊馬委是竭力但兵卒尚襲
舊態遇敵輒潰到將佐等不能自立雖嚴加約束未
能改草今來解潛失律致誤國事皆臣節制不明方
畧無取有失機會除已別具劄子待罪外現今折彥
質等根尋解潛現在去處招集將佐及潰散人兵控

扼賊馬及令威勝澤潞嚴為守備于瑯車天車關諸
處差設人兵防守把截去訖謹具奏知

御批解潛折彥質等用命士卒不能支吾可與放罪
出來收集潰散人兵控扼賊馬

乞于懷州置司劄子

臣伏奉宸翰令臣相度進至澤州臣契勘自懷州至
澤州一百餘里不甚相遠其所于軍前皆繫遙制然
懷州阻山帶河控制河北河東兩路糧道易通可以
禦敵保輔帝都正宣撫司可以置司去處若進至澤

州則無險可扼難得糧食只可照應河東一路臣欲
乞只置司于懷州令范世雄節制軍馬前去候得南
北關可以進兵續行相度更乞陛下聖裁取進止

御批依奏

奏知發去生兵等事劄子

臣契勘勝負者乃兵家之常勢解潛力戰累日以寨
柵不如法為金人衝潰今折彥質招集已見次第若
措置得宜即可取勝兼發去生兵及湖南北路軍馬
又二萬餘人極力措置更乞聖慈少寬天慮取進止

御批

衲袄已有造了者除此發去外現差內臣一兩

日起發次卿堅誠狗國實副朕望然賊屢勝銳不
可當切在高壘深溝所謂避其銳氣擊其情歸勿
與爭鋒待其懈而擊之便勝千萬慎重度寬朕慮
范世雄並依卿奏降旨訖王元事已批付三省施行
奏知掩襲南北關賊馬劄子

臣契勘賊馬衝潰解潛軍只據南北關不敢猖獗深
入必為王淵等處牽制竊慮賊分重兵捍禦諸路軍
馬只以疑兵據南北關可以乘機襲奪已逐急劄下

折彥質令陳迪權充統制官郭浩差充副統制官令募人前去探順如可以乘機掩襲即一面統領本司發去生兵措置施行去訖謹具奏知

御批甚好乘其不備然須十分防其衝突世雄速令前去與措潛措置南北關掩襲牽制遼汾界賊馬再乞差充世雄充宣撫判官劄子

臣累具劄子乞降睿旨差范世雄充宣撫判官伏望聖慈早賜詳酌施行庶令節制湖南軍馬策應解潛決保成功如范世雄老練兵事累任帥臣數千里勤

王今此統兵前去與一近上職名以激勵之誠不為過更乞聖裁取進止

御批已依卿所奏行告令快行人賜御訖但切持重捍其衝突若再舉解圍須汾州南北關平定等並進度分賊勢千萬不可輕進朕日夕驚憂心神不寧卿再三誠諭諸將切不可輕進以圖萬全可也奏知令劉韜等相度事勢進發大兵劄子

臣得劉韜申狀咨目稱王淵等兵已到榆次縣界探得解潛前軍有走散之人方據山下寨乞駐軍候解

潛整齧並進劉韜已指揮令疾速前去榆次縣側近
下定硬寨分遣奇兵擣賊巢穴及間道遣人報太原
出兵腹背夾擊措置解圍若探得解潛軍出南北關
即王淵軍馬便合拔寨趨太原臣契勘今解潛軍潰
竊慮王淵折可求等探知不敢進兵及賊馬既潰解
潛之師分兵前去捍拒諸路軍馬不得前進已一面
臣劄下劉韜等令更切審度事勢如諸路聲援相及
可進則進及十分過作隄防照護糧道不管別有疎
失去訖所有劉韜申狀咨目同繳進呈謹具奏知

御批切不可督戰根本事大兵法見可而進知難而
退此切留意朕所深願

乞優贈陣亡孫逢等劄子

勘會解潛統領人馬于南北關遇賊見陣相拒所有
獲級并傷中陣沒之人臣已指揮解潛具姓名保明
申宣撫司切待具奏推恩施行及訪聞得使臣孫逢
張遠首先奮身直入賊陣亡歿委是忠勇可嘉臣亦
已指揮解潛具事狀供申及差人遍于陣地根尋逐
官屍首如法殯埋并具伊等家屬去處申本司切待

優加存卹支與賻贈及保奏朝廷乞優與逐人本家
恩澤以為忠勇死士之勸去訖謹具奏知

御批

當與贈節度使其餘將士優與恩澤疾速保明
繳進折彥質張灝等咨目劄子

臣得折彥質咨目解潛已到隆德種師弓等將佐及
招集人兵漸見次第現行整齟以圖再舉今得范世
雄湖南北路兵馬前去軍當復振無得張灝咨目折
可求進兵已至文水縣界亦有賊馬前來捍禦見占
穩措置今同繳進呈謹具奏知

御批可劄下諸將捉到活人當子細詰問情由以謀
勝之日俟嘉音

待罪第二劄子

臣近具劄子以解潛師潰待罪乞賜竄責伏蒙聖慈
特降親筆不允仍止再請仰荷天恩以感以慙伏念
臣自膺委使義不顧身雖殫夙夜之勤曾糜涓埃之
補將士失律責在帥司節制不明方畧無取誰執其
咎伏望出自陛下睿斷特正典刑別委能臣不誤國
事干冒天威臣無任惶懼戰越待罪之至取進止

御批忠勇任事實副朕望禪將少退軍中常事所乞不允仍止來章已令王褒齋詔前去今再批付卿乞留熙河蕃僧軍前使喚劄子

臣伏奉宸翰問初一日力戰熙河路蕃僧臣體訪得上件蕃僧委是率先用命親手殺百餘人現今重傷在軍前將理臣已劄下令具功狀保明外先次支與銀絹一百疋兩訖欲乞且留軍前使喚候事平日發

遣赴闕謹具奏知

御批除王忠孝業已轉官外其餘軍兵全軍各轉四

資各支銀絹十匹兩卿督令速保明奏來并支與銀絹今當折彥質面前支訖奏

奏知進發大兵次第劄子

臣伏蒙聖慈特降親筆處分進兵次第誠如聖訓臣已遵稟行下外契勘自約日進兵已踰十日緣解潛遇敵力戰師潰汾遼平定之兵亦不敢進今王淵之軍在平城縣界折可求之兵在文水縣界劉翊賈瓊之兵在壽陽縣界皆下硬寨等候南北關出兵齊進今陳廸郭浩等已前去占據南北關解潛范世雄之

軍迤邐前進臣已劄下劉軫折可求等令各督責諸將僨擲進兵遇敵重者深溝堅壁以相持遇輕敵者整陣設伏以邀擊前無阻礙者徑趨太原如互相顧望首尾不進當坐逗撓之罪已行下去訖謹具奏知

御批

亦不可令孤軍深入可先督范世雄解潛等疾速前去與諸路軍兵同進解圍

乞賞血戰戮累潰人劄子

臣契勘解潛南北關之戰雖致師潰然將士極為力戰其陣亡傷中立功血戰之人自合推賞臣已行下

諸寨保明去訖前此師潰陣亡傷中立功之人不復推賞今宜草去此弊使將士知勸漸肯用命其累次潰散之人亦密喻折彥質解潛范世雄令根究痛行斬決庶几軍兵知所畏憚漸就軍律惟軍政不脩之久一旦號令欲其赴敵視死如歸誠為難事惟當以漸草之久當自改合具奏知

御批

如此正合朕心卿更勉力分朕憂俟成功當有

厚報衲袄已差吏部使臣起發訖所有差下內臣俟別有物即令押去次湖南兵已依奏付守禦使

奏知劉韜欲由壽陽縣進發大兵劄子

臣昨據劉韜申狀欲令王淵與劉翊劉士元等合軍由壽陽縣取道前進及遣楊志賈瓊等出奇擣虛與土豪秦中寶等乘夜會合直趨太原臣現已行下劉韜令占穩措置去訖謹具奏知

御批切不可令孤軍深入決致敗事不可幸一勝切

須再令汾州南北關出兵三路並進方可先次令

兩行整齷人馬王淵若孤又敗愈難下手

乞降衲袄劄子

臣已具奏聞乞先次降下衲袄二萬領支散湖南北路人兵伏望聖慈令速賜支降餘者亦令接續前來般赴河東應副軍前支用取進止

御批現已催督已有發去者

...

...

...

...

...



